



Deputación
DA CORUÑA

Boletín de Medio ambiente

Nº 175
7/04/2021



Galicia aínda ten segredos por descubrir. Pequenos paraísos ao alcance duns poucos. Un claro exemplo disto é a **praia de Teixidelo (Cedeira)**. Trátase da **única que ten area negra non volcánica do mundo**. O seu difícil acceso mantén este máximo lugar moi escondido na costa norte da provincia da Coruña.

As **pedras** que forman esta praia denomínanse **ultramáficas**, e están compostas nun 90 % por minerais básicos, como o magnesio ou o ferro. Estas rocas negras han erosionado e formado a area que hai en Teixidelo. Este peculiar e belo areal tamén conta nas súas proximidades coa **fervenza de Teixidelo**. A auga precipítase desde uns 50 metros directamente no mar.

Noticias

A rede de hortos urbanos contará cun terreo máis amplo e con máis infraestrutura

Intentarase ampliar a rede de hortos urbanos mediante un proxecto máis "integral, circular e amplo". Deste xeito prevese dar cabida á gran demanda que hai destas infraestruturas. Estúdanse outras localizacións na cidade para novos hortos. As zonas que se barallan pertencen a **Feáns, Mesoiro e San Pedro de Visma-Os Rosais**.

A infraestrutura do proxecto contará cunha serie de **novidades**. No caso dos **hortos do parque Adolfo Suárez**, desenvolveranse en parcelas que "lembren ao modelo de cultivo de vides da Ribeira Sacra...

Máis Info

Galicia tivo unha marca histórica de produción de enerxía eólica en 2020

Galicia alcanzou en **2020** unha marca histórica de produción de enerxía eólica con **9.992 gigavatios hora**, por encima do anterior logrado en 2013 de 9.498 gigavatios hora, segundo datos da asociación eólica de Galicia EGA. A produción dese tipo de enerxías alternativas **supuxo o ano pasado o equivalente á "cobertura do 57,5 % da demanda eléctrica equivalente"**.

Engade que **"a suma das enerxías eólica e hidráulica cubriron o 103 % da demanda eléctrica equivalente"** en Galicia e apunta que iso repercutiu tamén nos prezos.

Máis Info

A Fiscalía se querela contra Endesa pola morte de aves electrocutadas nas súas torres

A Fiscalía de Medio Ambiente de Barcelona querellouse contra Endesa e seis dos seus directivos pola **morte de aves en torres de media tensión da compañía**. Nunha inédita querela, o ministerio público acusa os directivos da compañía eléctrica dun **delito contra o medio ambiente e outro contra a protección da fauna**.

A querela lembra que a normativa obriga á compañía a adoptar as “medidas necesarias” para evitar “riscos ou danos” que o transporte da enerxía comporta para a fauna e a flora.

Máis Info

MEXIGAL elaborará fertilizantes para a agricultura ecolóxica a partir de cunchas de mexillón

CETIM Centro Tecnolóxico mantén con MEXIGAL o seu posicionamento como socio tecnolóxico en **proxectos de economía circular vinculado ao sector do mar**. Ademais, esta é unha das sete primeiras iniciativas da cadea mar-industria que aspiran a captar 550 millóns de euros dos fondos europeos Next Generation.

MEXIGAL é un proxecto liderado pola Compañía Española de Algas Mariñas (CEAMSA) para a **valorización da cuncha de mexillón e doutros restos do procesado de marisco e algas** co obxectivo de elaborar fertilizantes orgánicos e inorgánicos aplicables á agricultura ecolóxica.

Na actualidade, **Galicia é o segundo produtor mundial de mexillón**, polo que o desenvolvemento de novas tecnoloxías para transformar os seus residuos, a casca, nunha nova materia prima abre unha nova vía de negocio para a industria conserveira.

Más Info

O servizo de Bicicoruña perdeu máis do 20% dos seus usuarios durante 2020

Os **pedais** é un dos medios de locomoción que máis impulsa o Goberno local na súa aposta por unha **movilidadade máis sostible**, de aí os seus plans para **expandir o servizo municipal Bicicoruña**. Pero coa pandemia fóronse ao traste todos os plans, e este non foi unha excepción. Segundo as últimas estatísticas municipais, o número de usuarios caeron máis dun 20%, pasando dos 3.326 que tiña en 2019 aos 2.650 a peche de 2020.

A Concellería de Mobilidade ten un **plan** para incitar á participación cidadá: **incorporará bicicletas eléctricas á súa frota**. Desta maneira, a cidade contará cun parque de **514 bicis**, das **que 172 serán eléctricas**, o que animará a aqueles en máis baixa forma, máis idade, ou que se moven polos roteiros con máis costas da cidade. Ademais, **está proxectado instalar máis puntos de aparcamento**, para que as bicicletas municipais estean presentes por toda a cidade. Actualmente existen 23 estacións e o obxectivo é chegar ás **52 a medio prazo**. Da iniciativa **Pedalea coa UDC** instaláranse cinco: Maestranza, Ciudad Escolar, campus de Elviña, da Zapateira e Oza.

Máis Info

Sabías que...

Google Maps estrea novidades: **poderás moverte por interiores e escoller roteiros máis ecolóxicos**. Estas funcións irán implantándose ao longo deste ano tanto en Android como en iOS e, con elas, pretenden mellorar a eficacia de Google Maps para os seus usuarios. Permitirache tamén crear e editar rúas para corrixir erros.

Mestura informativa

RECEITA ECOLÓXICA: Lasaña de calabacín e carne picada

Ingredientes:

2 calabacines, 500 g de carne picada, 1 cebola 300 g de champiñóns, 1 cenoria, aceite de oliva, 500 g de salsa de tomate, sal, pementa, queixo cheddar rallado.

Para a bechamel de calabacín:

1 calabacín, ¼ de cebola, 200 ml de leite, 2 cucharadas de aceite de oliva, un chisco de sal, pementa moída, noz moscada.

Preparamos o recheo de carne picada: picamos a cebola e poñémola a pochar cun pouco de aceite de oliva a lume suave. Pelamos os champiñóns, picámoslos e engadímoslos á tixola coa cebola...

Máis Info

Café e area para explicar os terremotos en Galicia

A aproximación das **placas tectónicas** provoca terremotos como os deste ano en **Granada**, pero no outro extremo da península ibérica son as **fracturas e fluídos da codia terrestre** os que xeran movementos sísmicos, como os rexistrados en **Lugo e Zamora**. Un equipo de xeólogos comprobouno simulando as condicións baixo terra cunha 'caixa' de silicona, fina area e café moído.

Segundo un estudo dun equipo de xeólogos, a súa orixe está na **presenza de fluídos que circulan a grandes profundidades e con elevados gradientes térmicos**, o que facilita a rachadura das fracturas na codia terrestre e incrementa así a actividade sísmica en determinadas zonas do noroeste peninsular.

Más Info

Ignacio Benedeti: «A devastación polo quecemento global pálpase no Ártico ano a ano»

O cineasta coruñés Ignacio Benedeti foise ata os últimos confíns de terra do **Polo norte** para facer un chamamento de alarma sobre os devastadores **efectos do quecemento global na zona**. E fíxoo da mellor maneira que sabe, en forma de **película documental** rodada sen tecnoloxía dixital e plasmando a aventura vivida a bordo dun vello rompehielos no medio dunha tormenta de neve sen fin. O resultado, titulado **Spitsbergen, o gardián do Ártico**, conta coa narración de Santiago Fernández e a música do compositor Sergio Moure de Oteyza, e **poderá verse este xoves, venres e sábado no Fórum Metropolitano**.

Máis Info

O estraño caso dos osos que se comportan como cans domésticos

Unha **misteriosa enfermidade neurolóxica nos osos negros novos de California (Ursus americanus)** está a facelos comportarse como cans domésticos, achegándose aos humanos dunha maneira amigable. O primeiro oso cun comportamento extraordinario para tratarse dun oso salvaxe, foi diagnosticado con **encefalitis** en marzo de 2018. Entrou a unha escola e sentou entre os nenos, comportándose como un can amigable.

En 2019, outro oso infectado foi captado en vídeo tratando de **súbirse a unha táboa de snowboard**. O snowboarder e os seus amigos xogaron con el e déronlle sándwiches. Despois capturárono e comprobaron que sufría a mesma enfermidade neurolóxica que o oso que entrou na escola.

Máis Info

Boas Prácticas

CeL elimina o uso de pesticidas e lume para o control do topillo campesiño

SEO/BirdLife considera positivo o cambio de rumbo da **Junta de Castilla e León** no manexo sostible das poboacións de topillo campesiño ao eliminar completamente o uso de pesticidas e o lume para o control das poboacións do roedor. Entre as **medidas aprobadas** están o **volteo de terras**, a **destrución mecánica** das huras e galerías, **cortes e retirada de vexetación**, **anegamiento ou inundación** de parcelas afectadas ou favorecer a **presenza de depredadores naturais** (como instalación de caixas niños ou posaderos para rapaces).

Máis info

A descarga de auga subterránea, esencial para o funcionamento dos ecosistemas costeiros

Un estudo no que participa o Institut de Ciència i Tecnologia Ambientals da Universitat Autònoma de Barcelona (ICTA-UAB) determina que a **descarga de auga subterránea (SGD**, nas súas siglas en inglés) é unha fonte moi importante de nutrientes aos océanos costeiros e que, por tanto, representa un componente esencial do funcionamento e vulnerabilidade dos ecosistemas costeiros, tanto a escala local como global.

A **SGD** consiste nunha **mestura de auga doce de orixe continental e auga salgada** que se infiltra no acuífero costeiro. Trátase dunha **conexión hidrolóxica invisible entre os acuíferos costeiros e o mar** que, ademais de achegar auga doce ao mar ou a outros sistemas costeiros (lagoas, humidaís), pode representar unha fonte importante de nutrientes para estes ecosistemas.

Máis Info

Lence, Norvento e Agroamb construírán unha planta de biogás en Lugo

O grupo lácteo **Lence**, propietario de marcas como Leite Río ou Leyma; **Norvento**, compañía do sector das enerxías renovables; e **Agroamb**, grupo empresarial vinculado ao sector agrario e ao tratamento de residuos orgánicos de Galicia, unen forzas e a súa saber facer para sacar adiante un ambicioso **proxecto de xestión de residuos en Galicia**. O tres socios camiñarán da man para construír unha **innovadora planta de xestión circular de residuos e xeración de biogás**. Bautizada co nome de **proxecto Riazor**, estas instalacións erixiranse no polígono de O Ceao, en Lugo.

Máis Info

Axenda Ambiental

-  **Baños de Bosque. Unha experiencia de conexión coa Natureza.** Senda de la Ribeira. Moralina de Sacyago (Zamora), 17/04/2021.
-  **Convocatoria 2021 do Premio UNESCO-Xapón de Educación para o Desenvolvemento Sostible.** Prazo límite: ata o 30 de abril de 2021. Poden postularse institucións, organizacións e outras entidades que participan na Educación para o Desenvolvemento Sostible (EDS).

Ver Boletíns anteriores